

**ЖШС«Дин-Асыл1» бөбекжай-балабақшасы меңгеруші
жанындағы кеңес отырысының
№1 хаттамасы**

25.09.2023 жыл

Қызылқия ауылы

Қатысқаны: 25

Күн тәртібінде қаралатын мәселелер:

1. Топтардағы ата-аналар жиналысын өткізуі және оған дайындық деңгейі
2. Балалардың бастапқы диагностикалық кезеңдерін бақылау нәтижесі
3. Топтардың жабдықталуы, жаңа оқу жылына дайындығы.
4. Жедел жұпалы аурулардың алдын алу.

Тыңдалды:

Бірінші мәселе бойынша балабақша меңгерушісі М.А.Байсеитова топтардағы ата-аналар жиналысын өткізу және оған дайындық деңгейін талқылады.

Топ тәрбиешілері жас ерекшелігіне қарай топтарда өткізілген жиналыстар және онда қаралған мәселелер бойынша есеп берді.

Әдіскер Г.А.Айтмерзаева сөз сөйлеп тәрбиешілердің топтардағы ата-аналар жиналысын қорытындылады.

-Ата-аналар жиналысы сәтті өтті. Тәрбиешілердің жиналысты жүргізуі, ұйымдастыруы жақсы. Барлық топтарда ата-аналар комитетінің төрайымдары қайта сайланды. Тәрбиешілер ата-аналарды жаңа оқу жылының мақсат-міндеттерімен таныстырды. Әр түрлі мәселеде жаңа оқу жылына оқу құралдарын түгелдеу, алдағы мерекелерге, іс-шараларға дайындық жұмыстары туралы айтылды.

Екінші мәселе бойынша, балалардың бастапқы диагностикалық кезеңдерін бақылау нәтижесі қаралды.

Әдіскер Г.А.Айтмерзаева сөз сөйлеп, жас ерекшелігіне қарай барлық топтарда балалардың бастапқы диагностикалық кезеңдерін бақылау парағы алынғанын хабарлады. Соның нәтижелері бойынша жасалынған жиынтық есепті таныстырды.

Балалардың үлгілік оқу бағдарламасын меңгеруі жалпы топтар бойынша:

Төмен деңгейдегі балалардың үлесі 33,6%

Орташа деңгейдегі балалардың үлесі 50%

Жоғары деңгейдегі балалардың үлесі 16,4% құрайды.

Бұл жерде төмен деңгейдегі балалардың үлесі көп болу себебі ерте жас бүлдіршіндері енді ғана балабақшаға келді. Олар әлі жас ерекшелігіне сай оқу бағдарламаларын меңгермеген. Бастапқы диагностикалық кезең болғандықтан балалардың үлгілік оқу бағдарламасын меңгеруі қанағаттанарлық деп есептеймін. Дегенмен де тәрбиешілер осы мониторинг бойынша әр балаға жеке даму картасын түзіп, жұмыс жасауы қажет.

Үшінші – мәселе бойынша топтардың жабдықталуы, жаңа оқу жылына дайындығы қаралды.

Балабақша шаруашылық меңгерушісі Х.Сапарбаева сөз сөйледі.

-Топтардың жабдықталуы және жаңа оқу жылына дайындығын тексердік. Алдымен топтағы жиһаздардың құрамы, орналасуы, бүтіндігі қаралды. Әр топтың бөлмелерінің тазалығы, мүліктерінің сапалылығы жақсы. Төсек орындарында, киім, аяқ киім сөрелері, түбектері ретке келтіріліп, әр балаға тиесілі белгілері (маркировка) қойылды.

Әдіскер Г.А.Айтмерзаева педагогтарды 2023-2024 оқу жылына арналған әдістемелік нұсқау хатқа сәйкес жас топтары бойынша заттық-кеңістік дамытушы ортаға қойылатын талаптармен таныстырды. Сонымен қатар жас ерекшелігіне қарай топтардың даму орталықтарын осыған сәйкес жабдықтау керек екенін түсіндірді. Дамытушы орта балалардың қарым-қатынасы мен бірлескен әрекетін, оңаша болуына мүмкіндіктерді қамтамасыз етуі қажет деп ескертті.

Балабақша меңгерушісі М.Байсеитова

-Топтардың заттық-даму орталықтарын жаңа ресурстармен толықтыру қажет. Балалардың музыка залы да балаларға арналған музыкалық аспаптар және ойыншықтарымен толықтырылуы қажет.

Төртінші мәселе бойынша жедел жұқпалы аурулардың алдын алу туралы болды. Балабақша медбикесі Г.Бекбосын сөз сөйледі. Ол жедел жұқпалы аурулардың алдын алу үшін атқарып жатқан жұмыстарын баяндады. Сонымен қатар педагогтерге медициналық кеңестер жүргізді.

-Күздің алғашқы кездеріндегі суық балаларды ауыртады. Сондықтан күз кезінде балаларды тұмаудан ауырмаудың алдын алу шараларын жүргізу керек. Балаларды жылы киіндіріп әкелу, гигиеналық тазалық шараларын сақтау, ауырған баланы дәрігер рұқсатынсыз қабылдамау басты назарда болуы керек. Егер бала ауырған жағдайда ата-ана бірден бізге ескертіп, баланы ауылдық амбулаторияға қаратулары керек. Тұмаудан құтқарудың бірден бір жолы вакцина егтіру, оны жыл сайын егтіру қажет. Өйткені

тұмаудың вирусы үнемі өзгеріп отырады. Ата-аналар балаларға арналаған «Поливит», «Дуавит», «Центрум» сияқты поливитаминдерді беріп жүруі қажет.

Қаулы етті:

- 1.Топтардағы ата-аналар жиналысын өткізуі және оған дайындық деңгейі қанағаттанарлық деп табылсын.
2. Балалардың бастапқы диагностикалық кезеңдерін бақылау нәтижесі қанағаттанарлық деп табылсын. Әр баланың жеке даму картасы бойынша жұмыстар жасалсын.
3. Топтардың жабдықталуы, жаңа оқу жылына дайындығы қанағаттанарлық деп табылсын. Заттық-даму орталықтарын жаңа ресурстармен толықтыру шаруашылық меңгерушісіне жүктелсін.
4. Жедел жұқпалы аурулардың алдын алу шаралары назарға алынсын.

Кеңес төрайымы:
Хатшы:



М.А.Байсеитова
Д.Уразбаева

**ЖШС «Дин-Асыл1» бөбекжай-бақшасы
меңгеруші жанындағы кеңес отырысының
№2 хаттамасы**

27. 11. 2023 жыл
Қатысқаны: 24

Қызылқия ауылы

Күн тәртібінде қаралатын мәселелер:

1. Күн тәртібіндегі бала өмірін ұйымдастыру және жоспарлау циклограммасының орындалуын бақылау нәтижесі.
2. Балалар қатысуы мен ауруы бойынша сараптама жасау.
3. Тамақтану сапасының дұрыс ұйымдастырылуы
4. Желтоқсан айына өтілетін мерекелік шараларды талқылау.

Тыңдалды:

Бірінші мәселе бойынша балабақша меңгерушісі М.А.Байсеитова Күн тәртібіндегі бала өмірін ұйымдастыру және жоспарлау циклограммасының орындалуын бақылау нәтижесін талқылады.

Әдіскер Г.Айтмерзаева сөз сөйледі

- 2023-2024 оқу жылының әдістемелік нұсқау хатына сәйкес күн тәртібіндегі бала өмірін ұйымдастыру және жоспарлау циклограммасын пән мамандары мен тәрбиешілер бір журналға жоспарлап жазуда. Ұйымдастырылған іс-әрекеттер үлгілік оқу жоспарына сәйкес күні бойына жоспарланған. Дегенмен де тәрбиешілер арасында ұйымдастырылған іс-әрекеттерді ойын түрінде күні бойына жоспарлауды әліде меңгере алмай жүргендер бар. Іс-әрекеттерді жоспарлау бойынша тәрбиешілерге әдістемелік көмек көрсету жалғасуда.

Тәрбиеші Б.Айткулова сөз сөйледі

-Бұрын оқу жоспарында ұйымдастырылған іс-әрекеттер кестесі апталық жүктемемен берілетін. Сол жүктемеге сәйкес циклограмма журналына апта күндеріне жоспарлап жазатын едік. Енді балалардың дағдыларын дамыту бойынша іс-әрекеттерді әр күні, таңертеңнен кешке дейінгі уақытқа жоспарлауды әлі де үйреніп жатырмыз.

Екінші мәселе бойынша балалар қатысуы мен ауруы бойынша сараптама жасалды.

Сөз сөйлеген медбике Г.Бекбосын

-Балабақшада 350 бала тәрбиеленуде. Балабақшадан себепсіз қалған балалар тіркелмеді.

Сырқаттанған балалар балабақшаға толық айыққан соң, денсаулығы туралы анықтамамен қабылданады. Басқа балалар арасында сырқаттану туралы есепке алынбады. Қызылша ауруына қарсы екпені барлық бала толық алған. Балабақшада жедел респираторлық аурулардың алдын алу мақсатында жеке бас гигиенасын сақтау, балабақша бөлмелері мен аумағының тазалығын сақтау, бөлме ауасын балалар жоқ кезде желдетіп тұру жұмыстары жүргізілуде.

Үшінші мәселе бойынша Тамақтану сапасының дұрыс ұйымдастырылуы талқыланды.

Сөз сөйлеген-дәмбике М.Мусаева, балабақшада тамақтану сапасы дұрыс жолға қойылғандығын, сан-пин талаптары бойынша әр балаға арналған тамақ мөлшерінің нормасы сақталып жатқанын баяндады. Сондай-ақ балаға мөлшерленетін сан-пин нормаларын таныстырып, түсіндіріп өтті.

- Балалар жалығып қалмау үшін апталық ас мәзіріндегі тамақтар сол апта ішінде қайталанбайды. Күз айындағы он күндік ас мәзірімен балаларға түрлі құнарлы дәрумендерге бай көкөністермен жасалған салаттар, шырын сулар, сүт тағамдары (сүзбе, айран), жеміс жидектер беріліп жатыр. Тары, нохат, қарақұмық, жүгері, манка ботқалары күнделікті таңертеңгі аста беріледі. Құнарлы тамақтар балалардың денсаулығы мен ағзасына өте пайдалы.

Жарыссөзде сөз сөйлеген-медбике Г.Бекбосын аспазшылардың дәмбике жазған апталық ас мәзірінен ауытқымай тамақ әзірлеуін қадағалап отырғанын, ал шаруашылық меңгерушісі Х.Сапарбаева, тамаққа қажетті барлық азық- түлікті уақытылы, сапалы жеткізіп отырғандығын баяндады.

Төртінші мәселеде Желтоқсан айына өтілетін мерекелік шараларды талқыланды.

Сөз сөйлеген- балабақша меңгерушісі М.А.Байсеитова балабақшаның жылдық жоспары бойынша желтоқсан айында атап өтілетін мерекелік іс- шараларды таныстырды.

1. «Менің Қазақстаным!» Қазақстан Республикасының Тәуелсіздік күніне арналған салтанатты жиын

2. «Жасыл шырша жанындағы оқиғалар» Жаңа жыл мерекесіне арналған ертеңгіліктер

Балабақша меңгерушісі осы мерекелерді ұйымдастыруға жауаптыларды бекітті.

Жарыссөзде мәселені талқылай келе, осы аталған іс-шаралардың жоспарын құру және ұйымдастыру әдіскер Г.Айтмерзаева жүктелді.

Қажетті құрал-жабдықтармен жабдықтау, іс-шара өтілетін орынды әзірлеу шаруашылық меңгерушісі Х.Сапарбаева жүктелді.

Балалардың қауіпсіздігі мен денсаулығын сақтау, медбике Г.Бекбосынға жүктелді.

Қаулы етті:

1. Педагогтар мен пән мамандарының Күн тәртібіндегі бала өмірін ұйымдастыру және жоспарлау циклограммасын бақылау нәтижесі қанағаттанарлық деп табылсын. Циклограмманы жоспарлауда тәрбиешілерге әдістемелік көмек көрсету әрі қарай жалғастырылсын.
2. Балалар қатысуы мен ауруы бойынша сараптама нәтижесі қанағаттанарлық деп табылсын.
3. Балабақшадағы тамақтану сапасының ұйымдастырылуы қанағаттанарлық деп табылсын.
4. Желтоқсан айына өтілетін мерекелік шараларға дайындық жұмыстары жүргізілсін.
 - Іс-шара жоспары түзу әдіскер Г.Айтмерзаева жүктелсін.
 - Қажетті құрал-жабдықтармен жабдықтау, іс-шара өтілетін орынды әзірлеу шаруашылық меңгерушісі Х.Сапарбаева жүктелсін.
 - Балалардың қауіпсіздігі мен денсаулығын сақтау, медбике Г.Бекбосын жүктелсін.

Кеңес төрайымы:
Хатшы:



Д.А.Байсеитова
Д.Уразбаева

**ЖШС «Дин-Асыл1» бөбекжай-бақшасы
менгеруші жанындағы кеңес отырысының
№3 хаттамасы**

19. 01. 2024 жыл
Қатысқаны: 22

Қызылқия ауылы

Күн тәртібінде қаралатын мәселелер:

1. Озық тәжірибе мектебінің жұмысына бақылау нәтижесі
2. Мәдени гигиеналық дағдыларды қалыптастыру
3. Ертеңгілік жаттығуды өткізуді, қимылды ойындарды ұйымдастыруды бақылау нәтижесі
4. Аралық диагностикалық кезеңдерін бақылау нәтижесі.

Тыңдалды:

Бірінші мәселе бойынша Озық тәжірибе мектебінің жұмысына бақылау нәтижесі талқыланды.

СӨЗ СӨЙЛЕГЕН бөбекжай-бақша әдіскері Г.Айтмерзаева:

-2023-2024 оқу жылының озық тәжірибе мектебі өз деңгейінде жұмыстар атқаруда. Музыка жетекшісі Б. Мырзакулов «Музыкалық аспаптар мен ойыншықтар» тақырыбында озық іс-тәжірибе жинақтауда. Оның жинақтаған іс-тәжірибесі құнды деп білемін. Музыка жетекшісі Б. Мырзакуловтың іс-тәжірибе жұмысы барысында анықталғаны, музыкалық ойыншықтар мен аспаптарды ойнай отырып, балалардың тек музыкаға деген қызығушылығы артып қоймай, сонымен қатар физикалық, коммуникативтік, танымдық, шығармашылық, әлеуметтік дағдылары да дамиды.

СӨЗ СӨЙЛЕГЕН озық іс-тәжірибе жинақтаушы, музыка жетекшісі Мырзакулов Бауыржан, өзінің шығармашылық жұмысының жобасымен таныстырды. Ол мектеп жасына дейінгі балалардың шығармашылық дағдыларын дамытуда музыкалық ойыншықтар мен аспаптарды қолданудың тиімділігі жайында іс-тәжірибесімен бөлісті. Аудан көлемінде өткізілетін Тамыз кеңесінде мектепке дейінгі ұйым педагогтеріне өз тәжірибесін таныстыратынын хабарлады.

Екінші мәселе бойынша балабақшада балалардың мәдени- гигиеналық дағдыларын қалыптастыру барысы талқыланды.

Балабақша медбикесі Г.Бекбосын жас ерекшелігіне қарай топтарда балалардың мәдени-гигиеналық дағдыларын қалыптастыру барысын бақылағанын айта келе нәтижесімен таныстырды.

Мектепалды, ересек топтарда балалардың мәдени-гигиеналық дағдылары қалыптасқан. Тамақтан алдын және кейін қолдарын өз беттерінше жуа алады, киімін ретке келтіреді және өз сүлгілерін танып сүртінеді. Тамақтану кезінде

тазалықты, ұқыптылықты сақтайды. Қасықты, шанышқыны, сүлгіні дұрыс қолдана алады. Орындықта түзу отырады, Ал кіші, ортаңғы топтарда түбекке өз бетінше отыра алады. Өз кереуеттері мен киім ілгіш шкафтарын, киімдерін таниды, көрсете алады. Дегенмен де кіші топта қасықты қолына дұрыс ұстай алмайтын, түбекке бару ниетін білдіріп немесе айта алмайтын балалар да кездеседі.

Жарыссөзде кіші топтың тәрбиешісі Ж. Байтеева сөз сөйлеп, балалардың мәдени-гигиеналық дағдыларын қалыптастыру барысында түрлі ойын-жаттығулар ұйымдастырып жатқанын, алдағы уақытта да жеке жұмыстар жүргізетінін баяндады.

Үшінші мәселе бойынша, Ертеңгілік жаттығуды өткізуді, қимылды ойындарды ұйымдастыруды бақылау нәтижесі талқыланды.

Балабақша әдіскері Г.Айтмерзаева сөз сөйлеп балабақшадағы ертеңгілік жаттығуды өткізу, қимылды ойындарды ұйымдастыру барысы туралы баяндады.

-Ертеңгілік жаттығу ортаңғы, ересек, мектепалды топтары үшін балабақшаның думан залында музыка әуенімен ұйымдастырылуда. Балалар жаттығу жасауға думан залға асығып, қуанып келеді. Музыка әуеніне сай қимылдар жасап жалпы жетілдіру (қолға, мойын, иыққа, белге, аяққа арналған) жаттығуларын орындап жатыр. Ал кіші топтар өз бөлмелерінде топ тәрбиешісінің ұйымдастыруымен жас ерекшелігіне сай жасалуда. Жас ерекшелігіне қарай топтардағы қимылды ойындарды өткізу сапасы да бақыланды. Тәрбиешілер ҰІӨ кезінде, серуенде, дербес әрекетте қимылды ойындарды дұрыс ұйымдастырып жатыр. Қимылды ойындардың барысында балалардың физикалық қасиеттерін: жылдамдығын, епшілдігін, белсенділігін дамытып, денелерін шынықтырып қана қоймай, ұжымдасып әрекет етуді, бір-бірімен тату ойнап, қарым-қатынасқа түсуін, қысқаша жаттамақтар айтып көркем сөйлеу қабілетін де дамытуда. Педагогтардың таңертеңгілік жаттығуды, қимылды ойындарды өткізу сапасы қанағаттанарлық.

Төртінші мәселе бойынша балабақша меңгерішісі М.Байсеитова аралық диагностикалық кезеңдерін бақылау нәтижесін талқылады.

Сөз сөйлеген-әдіскер: М.Байсеитова

-Балалардың үлгілік оқу бағдарламасын меңгеру деңгейін анықтау мақсатында барлық топтарда Қаңтар айының 3-15 күндері аралығында аралық бақылау диагностика жүргізілді. Топ тәрбиешілерінің толтырған бақылау парағын жинақтап, әдіскердің жиынтық есебі құрылды. Жиынтық есептің нәтижесінде білім беру дағдыларын жоғары, орта, төмен деңгейде меңгерген балалардың саны балабақша бойынша төмендегіше анықталды: Барлығы 350 бала, оның ішінде:

Жоғары деңгейдегі балалар саны 44,78

Орта деңгейдегі балалар саны-57,28

Төмен деңгейдегі балалар саны- 25,94

Мәселені талқылай келе балабақша меңгерушісі М.А.Байсеитова сөз сөйлеп орта, төмен деңгейдегі балалармен жеке даму картасына сәйкес жұмыс жүргізуді тапсырды.

Қаулы етті:

1. Озық тәжірибе мектебінің жұмысына бақылау нәтижесі қанағаттанарлық деп танылсын.
2. Мәдени гигиеналық дағдыларды қалыптастыру барысы қанағаттанарлық деп танылсын және әрі қарай жандандырылсын.
3. Ертеңгілік жаттығуды өткізуді, қимылды ойындарды ұйымдастыруды бақылау нәтижесі қанағаттанарлық деп танылсын.
4. Аралық диагностикалық кезеңдерін бақылау нәтижесі қанағаттанарлық деп танылсын. Орта, төмен деңгейдегі балалармен жеке даму картасына сәйкес дамыту-түзету жұмыстары жүргізілсін.

Кеңес төрайымы:
Хатшы:



М.А.Байсеитова
Д.Уразбаева

**ЖШС «Дин-Асыл1» бөбекжай-бақшасы
менгеруші жанындағы кеңес отырысының
№4 хаттамасы**

29. 03. 2024 жыл

Қызылқия ауылы

Қатысқаны: 23

Күн тәртібінде қаралатын мәселелер:

1. Педагог қызметкерлердің бір күндік оқу қызметінің дайындығын тексеру қорытындысы
2. Топтарда тиісті құжаттардың дұрыс жүргізілуін бақылау нәтижесі
4. Наурыз айындағы іс-шаралардың өтілу сапасын талқылау
5. Мектепалды тобын мектепке шығарып салу туралы.

Тыңдалды:

Бірінші мәселе бойынша педагог қызметкерлердің бір күндік оқу қызметінің дайындығын тексеру қорытындысы талқыланды.

Әдіскер Г.Айтмерзаева педагог қызметкерлердің бір күндік оқу қызметіне дайындығын тексеру мақсатында педагогтердің ұйымдастырылған іс-әрекеттеріне бақылау жасалғанын айтты. Бақылау барысында анықталғаны, балалардың біліктілік дағдыларын дамыту міндеттері ойын түрінде күні бойына кіріктіріліп ұйымдастырылып өткізілуде. Тәрбиешілердің іс-әрекетті ұйымдастыруы, көрнекіліктер мен ресурстарды саралап қолдануы, топпен және жеке балалармен жұмыс жүргізуі қанағаттанарлық деңгейде. Балалардың бір-бірімен қарым-қатынас жасауы, сұраққа жауап беріп, сөздерді байланыстырып, сөйлем құрауы үлгілік оқу бағдарламасына сәйкес келеді. Дегенмен де тұйық, ұялшақ балалармен жеке жұмыс жүргізуді қажет етеді.

Ұсыныс:

- Тұйық балалардың сөйлеу қабілетін арттыруға ерекше назар аудару.
- Ашық сұрақтар қою арқылы өз пікірлерін айтуға мүмкіндік беру.

СӨЗ СӨЙЛЕГЕН психолог: Ж.Қуандық

-Баланың өз мүмкіншіліктерін толық көрсетуіне кері әсерін тигізетін қасиеттердің бірі-ұялшақтық, тұйықтық. Одан бала кезден арылмаса, есейген сайын ол түрлі кедергілерге алып келеді. Сондықтанда балабақшада тұйық балалармен жеке жұмысты жандандыру қажет.

Жарыссөзде аталған ұсыныстарды талқылай келе, педагогтар бірауыздан қолдап-қуаттады.

Екінші мәселе бойынша топтарда тиісті құжаттардың дұрыс жүргізілуін бақылау нәтижесі талқыланды.

Балабақша меңгерушісі М.Байсеитова сөз сөйледі.

-Тәрбиешілердің атқаратын лауазымына сәйкес тиісті маңызды үш құжаты бар. Яғни перспективалық жоспар, апталық циклограмма, балалардың білім күзінеттілігін анықтау мониторингі мен жеке даму картасы. Олардың дұрыс жүргізілуін бақылау барысында анықталғаы.

-Тәрбиешілердің, педагог-психологтың, музыка жетекшісінің перспектива-лық жоспары оқу жылының басында түзіліп бекітілген.

-Балаларды тәрбиелеу мен білім берудің апталық циклограммасы әр апта сайын толтырылып бекітілуде.

-Балалардың үлгілік оқу бағдарламасын меңгеру мониторингінің бастапқы, аралық кезеңдері уақытылы қыркүйек, қаңтар айларында толтырылып, жиынтық есеп жасалған.

-Балалар мониторингіне сәйкес орташа, төмен деңгейдегі балаларға жеке даму картасы ашылып, дамыту-түзету жұмыстары жүргізілуде.

Педагогтердің тиісті құжаттаманы жүргізу барысы қанағаттанарлық деп есептеймін.

Үшінші мәселеде Наурыз айындағы іс-шаралардың өтілу сапасы талқыланды.

Балабақша меңгерушісі М.Байсеитова сөз сөйлеп балабақшаның жылдық жоспарына сәйкес балабақшада ұйымдастырылып өткізілген мерекелік іс-шаралардың өтілу сапасы туралы қорытындылады.

-8 наурыз халқаралық әйелдер күні мерекесіне орай «Айналайын ақ мамам!» тақырыбында барлық топтарда мерекелік ертеңгілік өз деңгейінде балалардың жас ерекшелігіне сай өтті. Мектепалды «Байтерек» «Нұршуақ» тобында Көктем аруы байқауы жақсы дәрежеде ұйымдастырылып өтті. Қатысушылардың көңіл-күйі, дайындығы өте жақсы. Ата-аналардың іс- шараны өткізуде бірлесіп, белсенділік танытқаны байқалды.

«Қош келдің, Әз Наурыз» мерекесінде салт-дәстүрлеріміз бен ұлттық ойындарымызды қайта жаңғырды. Мереке өте жоғары дәрежеде өтті. Музыка жетекшісі Б. Мырзакулов ұлттық киім үлгісі, бағдарламаны жүргізу қабілеті, сөйлеу мәнері өте жақсы.

Бесінші мәселеде Мектепалды «Байтерек», «Нұршуақ»тобын мектепке шығарып салу туралы талқыланды.

Балабақша меңгерушісі Мектепалды «Балбөбек» тобын мектепке шығарып салу үшін дайындық жұмыстарын жүргізу қажет екенін айта келе жауаптыларды бекітті. Іс-шараны ұйымдастыруды әдіскер Г.Айтмерзаева

қажетті құрал-жабдықтармен жабдықтау, іс-шара өтілетін орынды әзірлеуді шаруашылық меңгерушісі Х.Сарарбаева, балалардың қауіпсіздігі мен денсаулығын сақтауды медбике Г.Бекбосын жүктеді.

Қаулы етті:

1. Педагог қызметкерлердің бір күндік оқу қызметіне дайындығы қанағаттанарлық деп танылсын.
 2. Топтарда тиісті құжаттардың дұрыс жүргізілу барысы қанағаттанарлық деп танылсын.
 4. Наурыз айындағы іс-шаралардың өтілу сапасы қанағаттанарлық деп танылсын.
 5. Мектепалды тобын мектепке шығарып салуға дайындық жұмыстары жүргізілсін.
- Іс-шара жоспары түзу және ұйымдастыру әдіскер Г.Айтмерзаеваға жүктелсін.
 - Қажетті құрал-жабдықтармен жабдықтау, іс-шара өтілетін орынды әзірлеу шаруашылық меңгерушісі Х.Сапарбаеваға жүктелсін.
 - Балалардың қауіпсіздігі мен денсаулығын сақтау, медбике Г.Бекбосынға жүктелсін.
 - Мектепалды тобын аяқтағаны туралы Дипломмен марапаттауды өзіме қалдырамын.

Кеңес төрайымы:
Хатшы:



М.А.Байсеитова
Д.Уразбаева